




ЛЕЗГИ Газет

**Жуван Ватан, ватанэгълияр,
дидед чIал хуьх!**

26-апрелдиз йикъан сятдин 4-даз Расул Гьамзатован тIварунихъ галай милли ктабханада лезгийрин бажарагълу шаир Алирза Саидован 85 йисан юбилейдиз талукъарнавай шириратдин чIехи мярекат кыле фида.

Иниз шаирдин яратмишунрал рикI алай гъар са ватанэгълидывай къвез жеда.



“Къиблепатан Дагъустандин Жегъилрин союз”

1920 – йисалай акъатзава

N 16 (10765) хемис 20 – апрель, 2017 – йис WWW.LEZGIGAZET.RU

Къимет “Дагпечатдин” киоскрай - 16 манат

Генерал Рамазан Жафарован 60 йис Гъетерихъди рекъе...



ЮБИЛЕЙ

Мердали ЖАЛИЛОВ

Генерал **Рамазан Жафарович ЖАФАРОВ**... Чи дустунин ва амадагдин, Дагъустандин чIехи рухвайрикай садан (Р.Ж. Жафаров РД-дин Гьукуматдин Председателдин заместитель, гзаф маса шабагърихъ (награда) галаз санал “Дагъустан Республикадин вилик лайихлувилерай” ордендин сагъибни я) и йикъара 60 йис тамам жезва. Халис итимар патал им чпин вири алакьунар бегъерлувилелди кардик кутадай лап кутугай вахт я. Рамазан Жафаровичани алай вахтунда багъри республи-

ка патал лап кар алай везифаяр бегъемарзава. Ада чи къанун-къайда хуьдай органрин (къурулушрин) къвалахдиз къаюмвалзава, республикадин агъалийриз, са куьни-хъайни къурху, хата авачиз, зегъмет чIугвадай, ял ядай, къелдай, къуллугъдай - яшайиш кыле тухудай мумкинвилер хуьзва!

Дагъустандин гьалар са шумуд йисан идалай виликанбур яз амачирдакай республикадин КъилРАбдулатиповани хейлин мярекатрал малумарнава. А хъсан мумкинвилерин кылевайди вич руьгъдиз хци, гъилиз ми хъи, къастуниз уьткъем, гафуниз мягъкем, ниятриз экуь инсан - чи генерал я! Къурушви хва Жафаров Рамазан Жафарович!

▶ 2

Къази-Мегъамед Агъасиеван 135 йис



Къадирлу жен, гуьзчивилик кутан

Райсудин НАБИЕВ

Къази-Мегъамед АГЪАСИЕВ - Дагъустандани Азербайжанда халкъдин итижар гьисаба къадай гьукум арадал гъун патал кыле феи мярекатрин активный иштиракчи, ялавлу инкъилабчи. Адан кыилел атай агъвалатрикай, чагъиндамаз къатI хъайи уьмуьрдикай тIимил кхъенвач. “Лезги газетдин” алай йисан 13-нумрадани Къази-Мегъамед Агъасиев дидедиз хъайидалай инихъ 135 йис тамам хъунихъ галаз алакьалу яз, “Халкъдин даях хъайиди” кыл гана Абдулатип Гъажиеван макъала чапнавай. Зи фикирдалди, инкъилабчидин уьмуьрдин рекъерални гелерал мад сеферда гегъеншдиз акъвазунин игътияж авач. Заз маса кардикай лугъуз къанзава. Къ.-М. Агъасиев гуьллеламишна къейи чкадин гъакъиндай сад хътин делилар авач. Бязи чешмейра ам къур-

патал анал Къази-Мегъамед Агъасиеван гуьмбетни (памятник) эцигнава. Инкъилабчиди вичин уьмуьрдин эхиримжи декъикъаяр инал ахкъудайдан жигъетдай шагъидвалзавай мад са делил ава: Къази-Мегъамед винидихъ къейднавай чкадал, гъилер кутлунна, епинин са кыл балкандал алай душманди вичин гъиле къуна, галчIуриз-галчIуриз, атлуйрин юкъва аваз гъидайла акур кас. Тарихдин вакъиатдин шагъид са вахтара Курхурел кардик кваз хъайи артелдин кыле акъвазай, гуьгъуьнлай колхоз тешкилдайла, акъалтIай активныйвал къалураи комсомолдин член, рагъметлу Шайдаев Шайда Рамазанович я (1888-1968). Вичиз Къасумхурьун центрадилаи винихъди атлуйри Къази-Мегъамед Агъасиев тухудайла акурди ада, гуьмбетдал феиила, мектебра къелзавай аялриз-пионерриз суьгъбетнай. Рагъметлу агъсакъалдин теклифдалди 1967-1968-йи-

Ялавлу инкъилабчи гуьллеламишай чкадал гила адан гуьмбетди “чан гузва”



далай къулухъ Ахъегъиз хутахзавай рекъе, масабура - Къасумхурьуввай 3 км-дин яр-гъа, Хандин муькъуьн патав гуьллеламишна лугъуз къейднава. И макъалада чун гъакъикъат арадал хкиз алахъда.

Инкъилабчи Къасумхурьурай тахминан 3-3,5 км-дин винидихъ - Къурагъиз хъфизвай рекъин къерехда, там квай чкадал гуьллеламишайди тестикъарзавай делил, чи фикирдалди, гъакъикъатдиз виридалайни муькъва я. Несилрин рикел и чка аламукъун

сара инкъилабчидин гуьмбет къетIен гуьзчивилик кутунай. Зун а йисара хурьун юкъван мектебда старший пионервожатый тир. Шайда Шайдаевни галаз сифте сеферда гуьмбетдал фидайла, чна цадай къелемар, ведрояр ва перер тухванай. Хейлин йисара ерли гелкъуьн тавунвай гуьмбет, патарив гвай цацарикай, чIуру хъчарикай ми хънай, элкъвена къелемар акIурнай,

▶ 2



ОБЩЕСТВО

Лезги чIал ва меденият саламатдиз хуьнин, еримлу ва девлетлу авунин месэлайри глобализациядин татугай нетижайриз, кылди къачуртIа, милли лишанар квахъунин къурхулувилиз къевелай аксивалдай къетIи серенжемар къабулун истемешзава.

▶ 3



ЯШАЙИШ

Хурьера къвалер ва я там кудаи дуьшуьш-ра пожарный, душмандихъ галаз фронтдин вилик жергейра авай игит аскерар хъиз, цIувай метр-метр чил къакъудиз, инсанар ва абурун эменни-мал къутармишиз гъазур я.

▶ 8

Студентрихъ галаз гуьруьш

Рагнеда РАМАЛДАНОВА

Алатай хемис юкьуз Махачкъалада, ДГУ-дин юридический институтдин патав гвай юридический колледжда, студентрихъ галаз Россиядин ва Дагъустандин машгур спортсменар ва тренерар гуьруьшмиш хъана. Кьилди къачуртла, и мярекатда азадкаказ кьуршахар къунай СССР-дин ва Россиядин лайихлу тренер, Хасавюртдин Олимпийский резервдин училищедин (ОУР) директор Мегьамед Гуьсейнова, СССР-дин ва Россиядин лайихлу тренер, Дагъустандин хкъанавай командадин старший тренер, Къазахстандин хкъанавай командадин тренер-насигатчи Марибег Юсупова, спортдин лайихлу мастер, хейлин турниррин, гъа гьисабдай яз "Иван Ярыгин-2017" Гран-Придин гъалибчи Даурен Куругълиева, азадкаказ кьуршахар къунай 2015-йисан дуньядин ва Европададин чемпион Мегьамедрасул Газимегьамедова, Россиядин кьве сеферда, дуньядин кьве сеферда, Олимпиададин чемпион, ДГУ-дин юридический институтдин студент Абдулрашид Садулаева иштиракна.



Гуьруьш ачухдай вахтунда юридический колледждин директор Диана Пирбудаговади и жуьредин серенжемрихъ акъалтзавай несилдиз руьгъдинни ахлакьдин тербия гунал ва сагълам уьмуьр кучуьрмишунал гьалтайла еке метлеб авайди къейдна. Вичин рахунра ада эхиримжи йисара колледждин студентрилай спортдин майданра къазанмишиз алакьнавай гъалибвилерикайни куьрелди суьгьбетна.

Гуьгъуьнлай гуьруьш "суал-жаваб" къайдада давам хъхъана. Студентрин члехи пай суалар спортдин рекъе еке агалкъунар къазанмишун патал мугьмандиз атанвай ксарал гьихътин четинвилер гьалтнаватла, абуруз гьикл дурум ганатла, и терефриз талукьбур тир. ИкI, спортдин рекъе еке агалкъунар къазанмишиз алакьнавай ксари чпел уьмуьрда гьалтай четинвилерикай яргъалди суьгьбетначтлани, амма а четинвилерал гъар са спортсмен расалмиш жезвайди ачухдаказ лагъана. Спортсменди виридалайни еке гъалибвал жува-жуван винел, мадни дуьздаказ лагъайтла, жуван кагулвилел гъалибвал къазанмишун тирдал фикир желбна. Идахъ галаз сад хъиз, студентриз спортдал рикливай машгур хъуниз эвер гана. Спортдихъ, гъар юкьуз жуван беден лигмарунихъ авай хийирдикай М.Юсупова ва М.Гуьсейнова суьгьбетна. Чпин рахунра абуру спорт неинки бедендин, гъакни руьгъдин лигмвални къачузвай къилин такъат тирди мад ва мад сеферра тикрарна. Руьгъ ва беден виклеъ инсандиз хъсан пешекарвал къачузни, вичин къастунал кевивал ийизни жедайди, уьмуьрдин тIалрайни-хъутIалрай экъечIдай рекьер-хуьлерни регъятдаказ жагъдайди къейдна.

ВикIегьбур хкъана

ГРЕКРИННИ РИМЛУЙРИН ЖУЬРЕДА КЪУРШАХАР КЪУН

ЧИ КОРР.

Алай йисан 15 ва 16-апрелдиз Каспийскда, Али Алиеван тIварунихъ галай Спортдин дворецда, грекринни римлуйрин жуьреда кьуршахар къунай Дагъустандин чемпионат кьиле фена. Ана республикадин 80 спортсменди заланвилеин 8 категориядай чпин устадвал къалурна. Къве йикъан итижлу бягсерин нетижада агъадихъ галай ксар 1-чкайриз лайихлу хъана: Ражаб Мегьамедов (59 кг), Гъасан Мегьамедов (66 кг), Мегьамед Мегьамедов (71 кг), Саид Патхуллаев (75 кг), Мегьамед Рамазанов (80 кг), Мансур Гаирбегов (85 кг), Рамазан Алиев (98 кг), Абас Абдуллаев (130 кг).

Дагъустандин чемпионатда кIвенкIевичи чкайриз лайихлу хъайи спортсменри алай йисан 4-6-майдиз Владикавказ шегьерда кьиле фидай СКФО-дин кIвенкIевичивал къазанмишун патал акъажунра чпин алакьунар къалурда.

“ТЕФИ” - нубатдин гъалибвал

ФУТБОЛ

Эдуард БАГЪИШЕВ

Са тIимил вахт идалай вилик Кеферпатан Осетия-Аланиядин Моздок шегьерда футболдай ("Гъвергъвер" тIвар алаз) СКФО-дин кIвенкIевичивал къазанмишун патал 2004 ва 2005-йисара дидедиз хъанвай жаванрин арада адетдиз элкьвенвай турнир кьиле фена. Ана вири санлай 10 командади иштиракна. Ингъе абур: Дербентдин ДЮСШ ("ТЕФИ"), Моздокдин ДЮСШ, Прохладный шегьердин СДЮШОР, Чечен Республикадин ДЮСШ-12, Ардон шегьердин ДЮСШ, Къизлярка хуьруьн (Моздокский район) ДЮСШ-3, Налчикдин СДЮШОР, Малгобег шегьердин (Ингушетия) ДЮСШ, Кеферпатан Осетия-Аланиядин Дигора ва Владикавказдин ("Юность") шегьердин ДЮСШ-ар.

Жаванрин арада гъамиша хъиз и сефердани итижлу ва къизгъин акъажунар кьиле фена. Дербентдай фенвай, кьиле насигатчи Ибрагимпаша Султанов акъазнавай "ТЕФИ" командади и турнирда 3-чка къуна. Идалайни гъейри, командадин капитан (центральный защитник), шегьердин 18-нумрадин гимназияда клелзавай Аман Бабаханов виридалайни хъсан къугъвадайди, "ТЕФИ"



“ТЕФИ” команда

командадин центральный гъужумдайди тир, Дербентдин 20-нумрадин юкьван школада клелзавай Али Къурбанов турнирдин виридалайни хъсан бомбардир яз гьисабна.

Малум хъайивал, "ТЕФИ" командадик Дербентдин 18-нумрадин гимназияда чирвилер къачузвай 7 аял ква. Турнирдила кьулухъ хъайи мярекатдал командадин тренердив ва футболистрив дипломар, грамотаяр ва кьиметлу пишкешар вахкана.

СКФО-дин футболдин майданра къазанмишнавай нубатдин агалкъун командадин тренер Ибрагимпаша Султанов ва санлай вири командадиз, гъакни командадин

спонсорриз - "ТЕФИ" фирмадин кьиле авай ксариз: Т.Г.Гъамзаеваз ва Ф.С.Сагъуеваз (футболдин командадал "ТЕФИ" фирмадин тIварни гъавиллай ала), ДЮСШ-дин директор Н.Я.Эмирбеговаз, 18-нумрадин гимназиядин директор Н.М.Юзбеговаз шегьердин спортдин общественностди, футболдин ветеранри, аялрин диде-бубайри риклин сидкъидай тебрикзава.

Алай вахтунда команда Дербентда "ТЕФИ"-дин Кубок патал гъар йисуз кьиле тухун адет хъанвай международный турнирдиз гъазур жезва. Ам июндин эхирриз ва июлдин сифте кьилера кьиле фида.

Дербентдай спортдин хабарар ГТО-дин нормативар вахкузва

Нариман КЪАРИБОВ

Агъалияр физкультурадал ва спортдал машгур хъунал желбунин, жегилар аскервилеин жергейра кьуллуьгъуниз гъазурунин карда ГТО-дин нормативар вахкунихъ члехи метлеб авайди гзаф чкайра хъиз, Дербент шегьердани дериндай аннамишнава. И барадай кьве йикъан вахтунда шегьердин стадиондал кьиле феи акъажунра 250 жегилди чпин алакьунар ва гъазурлухвилер къалурна.

Акъажунрин программдик къезил атлетикадин са жерге жуьреярни: акъазай чкадила яргъаз хкадарун, 100 метрдиз чукурун, спортдин снарядар (диск, копью) гадарун ва масабур квай.

Акъажунра иштираккай саки вири жегилри ГТО-дин нормативар вахкана. Физкультурадинни спортдин ре-

къай шегьердин администрациядин отделдин начальник Н.Рзаева, Дербент, Дагъустандин Огни шегьерра ва Дербент районда Дагъустандин военный комиссариатдин отделдин начальник А.Къулиева ва ДОСААФ-дин регъбер Э.Къазиева чпин рахунра ГТО-дин нормативар вахкунин карда жегилрихъ мадни еке агалкъунар хъана кланзавайди къейдна.

Эхирдай шегьердин мектебрин физкультурадин рекъай са жерге муаллимрив шегьердин администрациядин гуьрметдин грамотаяр вахкана.

Ни дуьм-дуьз лишанар яда?

ДГУ-дин Дербентда авай филиалда студентрин чирвилер хкажунихъ галаз санал физкультура ва спорт вилик тухунин кардизни кьетIен фикир гузва. И мукъвара ина пневматикадин винтовкадай лишанар ягъуниз талукъарна тешкилай акъажунра 18 студентди иштиракна. Акъажунра лап хъсан нетижаяр гадайрин арада: Р.Бутаева, А.Амрагъова ва К.Набиева; рушарикайни А.Къазиевади къалурна.

Гъалибчияр тебрикуналди ДГУ-дин филиалдин директор И.Абдулкеримова абурув рикIел аламукъдай пишкешар вахкана.

Путар хкажунай акъажунар

Хазран КЪАСУМОВ

И йикъара Къасумхуьрел, 1-нумрадин ДЮСШ-дин спортдин залда, путар хкажунай Сулейман-Стальский райондин кIвенкIевичивал патал школайра клелзавай аялрин арада акъажунар кьиле фена. Райондин спортдин, туризмдин ва жегилрин крарин рекъай комитетди (начальник Надыр Эфендиев) тешкилай акъажунра 14 школадай атанвай 100-дав агакъна гадайри ва рушари иштиракна.

- Эхиримжи вахтара райондин жаван спортсменрихъ путар хкажунин жуьредай хъсан нетижаяр жезва, - лагъана чаз акъажунрин къилин судья, спортдин и жуьредай Россиядин спортдин мастер Магелан Саидова. - Чи спортсменри чпин алакьунар Кьиблепатан Дагъустанда тухузвай зонадин акъажунра къалурзава. Умудлу я, абу-



Жаванри чпин устадвал къалурзава

ру мукъвал тир вахтара чпикай республикадин ва Вирироссиядин дережадин турниррани хабар гуда.

ИкI, 2-сеферда тухвай райондин акъажунра Герейханован хуьруьн 2-нумрадин, Курхуьруьн, КIварчагърин ("Дере" команда) юкьван

школайрин командайри, талукъ тирвал, 1, 2 ва 3-чкаяр къуна.

КIвенкIевичи чкаяр кьур спортсменриз медалар, райондин спортдин, туризмдин ва жегилрин крарин рекъай комитетдин гуьрметдин грамотаяр, кьиметлу пишкешар гана.

пятница, 28 апреля

ТВ ДАГЕСТАН, РОССИЯ, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР. Телепрограмма на пятницу, 28 апреля.

суббота, 29 апреля

ТВ ДАГЕСТАН, РОССИЯ, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР. Телепрограмма на субботу, 29 апреля.

воскресенье, 30 апреля

ТВ ДАГЕСТАН, РОССИЯ, ПЕРВЫЙ, РОССИЯ 1, НТВ, ДОМАШНИЙ, ТВ-ЦЕНТР. Телепрограмма на воскресенье, 30 апреля.

МАТЧ ТВ С 24 ПО 30 АПРЕЛЯ

ПОНЕДЕЛЬНИК, ВТОРНИК, СРЕДА, ЧЕТВЕРГ, ПЯТНИЦА, СУББОТА, ВОСКРЕСЕНЬЕ. Матчевая программа с 24 по 30 апреля.

РАДИО

ИСЛЕН, 24-АПРЕЛЬ; САЛАСА, 25-АПРЕЛЬ; АРБЕ, 26-АПРЕЛЬ; ХЕМИС, 27-АПРЕЛЬ; КИШ, 29-АПРЕЛЬ; ГЯД, 30-АПРЕЛЬ. Радио-программа.

